

JUT

Jut Minj Tikak

Minim Nind Niņep

Minj “Jut” apun biy, Jiysis yip, Jemis yip numam kisen kiyk Jut tikak aņgiy niņbay. Nuk biynimb Gor nup gosimb niņiy, minim niņind yimb ak diyak gok kuyip tikak. Biynimb Gor minim aspun aņgiy yesek apay gok, minim kuyip ak ma diy; minim niņind ar niņbim ak nep chichiy dinimimb aņgiy tikak.

Minim Ar Keykey Mindip Rek:

Minim nind aņgak ak mindip, 1-2.

Bi Gor minim yesek aņgñimbay gok miñ kiyk gipay ar ak sek; minim yesek apay ar ak sek; yiwur yomb diniņgambay minim ak mindip, 3-16.

Gor nup gosimb niņiy, minim nup direp giyak minim ak mindip, 17-23.

Gor nup aņgniyiņg, yimb nup dand aranak minim ak mindip, 24-25.

¹Yand Jut, Jemis numam nuk ak; Jiysis Krays nup woņg giñimbiyn. Minj tiksiyiyn kun biy, nimbip biynimb Gor nuk key diniņgayn aņgiy diy, wasemb ayakniņ, Niņuk Jiysis Krays nimbip kond mindrep gip gok, minj tiksiyiyn.

²Gor nimbip simb niņiy, wasemb ay mindakniņ, kapkap mindrep ginimimb.

Bi Gor Minim Yesek Aņgep Gok

³Buņgiy tep yand gok. Nimbip minj tikniņg, Jiysis chinup di Nop yip jimñiy ayip minim ak, aņgnim apiyn ak pen; miñiy niņbiyn, minim nimbip aņgep bap key mindip. Gor biynimb nuk mindpun gok, chinup minim tep nuk ak pisnep aņgñimb ak pen, biynimb gunap minim kun ak di tunğandikiy, minim ar gunap key aņgeniņgiy, kuyip tapin niņchikiy aņğjun. ⁴Gor wosrey, biynimb kun rek giniņgambay gok, yiwur yomb yimb diniņgambay aņgak. Biynimb Gor nup kun giy timey gipay gok, gunap ap kapkap nimb yip yiņgoņg giy mindpim. Tap siy tap timey giy

yip angneningambay, niñiy kirginingayn angak ak pen; kiyk minim kun ak tungandikiy apay, “Tap siy tap timey gok monmon gon, Gor chinup pen tap bap ma giningamb apay.” Gipay kun ak, monmon gun angyi, Biyomb chin nokom yimb Jiysis Krays nup kirgiy, timey yimb gipay. ⁵Wosrey gak ak niñbim ak pen, tip angning gispiyn. Gor biynimb nuk Yisrel kay, Yijip mindeyak ñin ak, tungasik dand awak ak pen, kisen nup gosimb ma niñyak gok kuyip, pikayek kumyak.

⁶Enjol gok minim nup niñiy, mindrep giyak ak kirgiy, tip kiyk mindrep ak kirgiy, mindrep ma giyak gok; kuyip kalambis ay, dam kisyim wip miñgan ak yokek, ñin yomb kor gep ak kond mindpay.

⁷Pen Sodom Gomora sek, miñmon yep mañ kun okok mañgiysek, kuyip gak ak sakiy ma ginimimb. Kiyk biyn siy bi siy gi dand amiy, timey yimb geyak; Gor biynimb okok mañgiysek, mon perper yiningamb ak yoken amey, yiwur giningamb rek, niñningiy angyi, kuyip ar kun ak gak.

⁸Gor kun gak ak pen, bi day niñiy minim yesek angñimbay gok, mumbwak kiyk ak key timey gun angyi, Gor minim ma niñiy, enjol gok kuyip sek angjiwpay. ⁹Pen Mosis kumek; Seytan yip, enjol yomb yimb Maykol yip Mosis mumbwak band ak dinging penpen angrik ak, Maykol Seytan nup ma angjiwak; pen Gor key nip gos ñinimuñ angak. ¹⁰Maykol niñrep giy kun angak ak pen, bi aspun gok, tap yerip ma niñbay gok, monmon angjiwpay. Pen kiyk biyn, bi, yakir, kanj, kayn tap gok mañgiysek, key niñiy gipay ar ak kirgiy, timey yimb ar ak gispay ak mey, yiwur yomb yimb dingingambay.

¹¹Bi kun gok kuyip simb niñbiyn. Andam ñinuk Keyn timey gak rek gipay. Pen kambem, maniy tap gok nep gos niñbay ak, bi Balam wosrey gak rek gipay. Kun ak kiyk bi Kora Gor minim timbrikiy, kumak rek kumning gispay.

¹²⁻¹³Pen nimb Gor nup wasemb ayiñg, tap jimñiy ñiñning ap nan-gipim ñin ak; kiyk Gor nup gosimb ma niñiy, yikop apiy monmon gipay. Kun ak kiyk ñiñg solwara pañg apiy, gach gach nep gek apyowip rek gipay. Pen mon ñiñemb mañgiy ma piyp rek akañ, semb yikop ap yiwgek amimb rek ak mindpay. Gor gek, kiyk gap puñgjiwiy kisyimnamb okok amiy, tip ma andkind wip rek ak amningambay.

¹⁴Andam kiñiñ nuk tikak ak, tik dand amey, Yinok nup mey kañgol ak tikiyak. Nuk Gor minim nup ak angyiñg, biynimb nimbip minim yesek angñimbay gok kuyip sek angyi angak, “Niñim! Gor enjol nuk ñin jiwiy kuñay yimb nep dand apiy, ¹⁵biynimb mañgiysek kor niñningamb. Nup gosimb ma niñiy, tap siy tap timey ar keykey giy, nup minim yiñ timey ar keykey angyi gipay rek, kuyip yiwur yomb yimb ak, ñiningamb angak.”

¹⁶Bi aspun gok, per pemiy angyiñg, minim diyiñg gipay. Kuyip key tep gip ar ak gun angyi, monmon yimb gey amek, yimb kiyk key dand aranimbay. Pen biynimb gunap chinup tep ginimuñ ar ak giyañ angyi, kuyip yesek nep angyiñg gey amimb.

¹⁷Pen buŋgiy tep yand gok. Bi Jiysis minim dand amemb gok nind aŋgyak minim ak gos niŋyinying mindenimimb. ¹⁸Nimbip aŋgyak, “Ñin kisen ak wakniŋ, biynimb Gor nup gosimb ma niŋbay gok gos kiyk key niŋbay rek giyinying nimbip aŋsikoy giniŋgambay aŋgyak.” ¹⁹Bi aspun gok Gor Kawnan ak yip ma mindiy, gos key wip rek niŋiy gipay ak mey, biynimb tuŋgasik keykey aypay.

²⁰Pen buŋgiy tep yand gok. Jiysis Krays bi suŋ-tep yimb ak nup gosimb niŋbim rek, nup chiŋgrop giy mindonjun aŋgiy, gem amnimuŋ. Gor Kawnan ak nimbip gos ñakniŋ, nup aŋgniŋyinying mindenimimb. ²¹Nimbip simb niŋimb rek, gek nuk yip perper mindeniŋgambim. Pen am nuk yip perper mindenjun aŋgiy, kond mindpim ñin biy, monmon ma giy, Gor niŋimb ar ak nep gi mindem, nimbip wasemb ayiŋg nep mindonimuŋ.

²²Biynimb gos omiŋal niŋbay gok, ²³mon maŋlaŋ ar ak amniŋgiy rek ayip aŋgiy, kuyip simb niŋiy tuŋgasikem, kim amniŋgiy. Gunap simb niŋiy dinimimb ak pen, mindmaŋgiy key lim gip rek gipay ak, kunep ginjun rek ayip aŋgiy, niŋrep giy mindenimimb. Tap siy tap timey kiyk gipay gok pirikiy, asikrep ginimimb.

²⁴Miñiy nimbip Gor ñin ar ak aysipiyn. Nimbip kond mindakniŋ, ma aypap pikniŋgambim; tep gakniŋ nup ker amniŋgambim. ²⁵Gor chin kuŋay ma mindip; nokom bap mindiy, Ñinuk Jiysis Krays nup yokek apiy, chinup aŋgiy kumak rek, yimb nup ak pernep dand aranjun. Nuk wosrey tikiy, Biyomb yimb mindiy, mind dand apiy, miñiy ar kun ak nep mindip. Kun ak, nuk Biyomb mindiy, biynimb tap okok maŋgiysek kond mindonimuŋ. Tep.